

TUSAGASSIUUTITIGUT NALUNAARUT

Naalagannortunut 25.000-it

Jens Jørgen Fleischer aamma Jens Hansen naalakkatut Skagen-imi aamma Marstal-imi naammassipput.

Kalaallit imarsionermi naalakkatut naammassisut malunnartumik uissuummipput, sapaatit akunnerisa kingulianni Danmarkimi soraarummeernermit allagartanik pissarsiinnaratit, aammali nunatsinnit aningaasartalimmik inuulluaqquneqarlutik.

Jens Jørgen Fleischer Skagen Skipperskole-mit umiarsuaaqqanut naalakkatut naammassivoq.

Angusarissaarluarmat Grønlandsbankenip Inuussutissarsionermut Aningaasaateqarfianit checkimi 15.000 kroninik nalilimmik tunineqarpoq. Umiarsuarni assartuutini ilaasartaatinilu naalagannorniarluni ingerlaqqikkusuppoq, taamaammat aningaasat atorfissaqartilluakkani nuannaarutigai. Kujasinnerusumi, Marstal Navigationsskolemi, Jens Hansen umiarsuarni assartuutini ilaasartaatinilu naalakkatut soraarummeerluni angusivoq, Inuussutissarsionermullu Aningaasaateqarfiup 10.000 kroninik tunivaa.

-Nersorinninniutitut tunniussiniitsinni erseqqissaatigerusupparput, aalisarnerup assartuinerullu iluani naalakkat kalaallit nutaat suli pisariaqartinneqarluarnerisa pingaaruteqarnera, aammali sammisassaqaqfinni nutaani, soorlu aatsitassanik uuliamillu misissuinerit nassatarisassa, kalaallit ilinniarsimasut sutigut tamatigut pingaaruteqartussaammata, Kristian Lennert, Grønlandsbankenip Inuussutissarsionermut Aningaasaateqarfiani siulittaasoq, oqarpoq.



Grønlandsbankenip Inuussutissarsionermut Aningaasaateqarfiata Jens Jørgen Fleischer aamma Jens Hansen umiarsuarmi naalakkatut soraarummeerluareersut akissarsitinneqarput.